

# OMUKWETU

Registered at the General Post Office as a Newspaper



## Suidwes oshikundafa-nwa shefimbo lile

Oita itivali younyuni 1939-45, oya li ya etela ounyuni embonyauko linene momehepo, memona nopaукwashilongo wounhu. Unene Ndowishilanda osho sha li tashi nyuwa kolwoodi mokushinda vakkao, sha fiwa eputu longaho. Osho yo oilongo imwe mokulipopila ngaha kuye ya fiwa ya hekuka, ya pwa eenghono.

Otashi dulika oshinima eshi osho sha finikile oiwana ya hangana, V.V.O. itote efinamhanglo loveta tai amene ondilo yomunhu. Eti-26 Juni 1945, oiloango 50 ya ongala moshilando San Francisco, Amerika, i pameke neshaino omhanglo. Exuku muvo ola li ngaha paxupi:

-“okuxupifa oiwana yokomongula komahapeko oita oyo mefimbo linya yaholoka luvali nokuli, noya eta oluhodi lihe fi kutumbulwa mounhu aushe, (mensdom)

-“okupamekulula eitavelo okwiitavela omukangha woufemba womunhu, eitavelo newapalo lopaupersona womunhu, okwiitavela oufikepamwe wovalumenhu nowoyakainhu, osho yo woiwana inene naayo inini.

-“okuyandja omufika wokukalamwenyo monghalafano iwa, tai ehene komesho memanguluko lihe na eengaba.” (Charter of U.N.)

Eti-10.Des. 1948, oveta ei ya ingidwa mounyuni aushe noya yandjwa okulungifwa. Opwa pita hano paife eedula 25, eshi oiwana younyuni ya pewe omufinda wouteku koiwana inai putuka natango.

Ashike oiimati yomeedula odo oya li ii, i lengifa, osheshi nokuli oiwana i li oilyo mehangano olo, ya kala moukukutu nokulyatela omaufo aa koshi yemhadi. Oudwaali ovawiliki vOngonga hangano yovakwaLuther, novawiliki vohangano e lili eengerki, va talulula nefimaneko ondilo yoshivilo sheedula 22, eti-10. Des. 1970, okudimbulukwa eyandjo loveta yemanguluko lomunhu, nga shi ya yandjelwe kOiwana ya hangana.

Moshoongalele osho shinene sheengekeri muEvian-les Bian, Fransa, aveshe va tomhelwa kutya otashi tu kumwe naanaa neifano longerki yaKristus mokukondjela ombili yoiwana, onghe omukanda wa shainwa kuDr. Mikko Juva, omupreside wongongahangano yovakwaLuther nahamushanga wayo Dr. Andre Appel, owa tumwa keengerki adishe oilyo yaL.W.F., opo i konakone natango oitokolifo yefinamhanglo IOiwana ya hangana tai kumu omunhu, omouyelele woitokolifo ei:

Oshitokolifo 2, tashi popi okukal-mwenyo, emanguluko neameno lomunhu; oshitokolifo 5 omahepeko nomahanduki-lwo; oshiti. 10 oufemba nouyuuki mpangulo nosho tuu (LWF information 62.70.)

Oiwana ya hangana okudja 1946, oya kala i shi shii kutya OvakwaSuidwes ovo vamwe vomomadu a hepa efiloshi-sho lopanhua, onghee moyoongalele ya ye ihapu ina tulumukwa nande fimo

ina mona ondjila yoku va kufa omutengi mudjuu komapepe avo. Omahokolo mahapu okupungulula oshili yoshinima eshi, okwe mu hanga luhapu, nde a pula alushe eendunge kOmbelewa ya kula younyuni. Etokolo IOMhangnu younyuni mo-21.6.1971, olo la li etihamano nokuli okukoleka kutya oiwana ei otai pumbwa omutekuli umwe e lili, haSuid-Afrika vali.

Ongerki muSuidwes, ongoshinhimbushimwe shovatekulwa vepangelo laSuid-Afrika oule weedula 50, otai tala nokukuminwa eendifo laKalunga meenghundafana daaveshe kwa li ve na oufemba moshinima eshi, oule weedula 25. Nayo yo otai firmaneke, nde ohai shi lakanene nokuli omunhu a mone emanguluko lopamwenyo nolopalatu, neehenokomesho liwa mwaishe oyo te i pumbwa.

Ashike ohai kala yu udite onya konghedi keshe tai kondjifa eshi. Kovannyoni aveshe ongerki ohai teeplele kuvvo elidilululo, osheshi kai li po omuhoololi waNhunga- Ngadi a pangele, nde ohai tambula nga omadiladilo aeshi mawa ovaendifi voinima younyuni notai shi tala osha dja kuKalunga.

Nongenge osho ehalo laKalunga kuya outeku woiwana ei u pewe umwe e lili ngashi omhumbwe ya monika kovaendifi vounyuni, ongerki otai shi ilikanene, etambulafano eli li ningwe mombepo yohole noyombili, osheshi osho ashike tashi ka etela oiwana ei nonyuni aushe nokuli ombili nelao.

## Omumbisofi a galukile kuAsia

Uuyuni wokosindo yuuzilo ohau ithanwa “Uuzilo wokokule.” Hwiyaka oshikandjo shime we shombinga yelongelokumwe lyoongerki, osha ligameneko noshi ihogololele Tokio, oshilandoo shepangelo lyJapan, shi kale eha lyomutumba gwasho miilkundathanwa ya simana yoongerki.

Ule womasiku gahamano pokati kaApilili naMai, oshigongi shiilyo 150, yomoongerki 45 dhomiilongo 30 yaAsia naAfrika, oya kuutumbile molwenenedhiladhilo “Oshilonga shuukwaLuther methimbo lyuukumwe woongerki.”

“Tse otwa thikamena omapulo omadighu gokutaaguluka omasilu nomilamba pokati koongerki oongundjuka naandhoka oonku, nopoeki koongerki nomatumo gadho, ngashi sha holoka pomathelemimvo ga piti,” osho omunashipundi gwoshigongi, Josia Kibira, omumbisofi gwomuTanzania, a ti, sho e egulula oshigongi

Aakalelipo wo yomatumo ngoka mwa za ongerki dhomiilongo ya tumbulwa, oya li ya gongala.

Osha li oshivanawa nkene shimwe shomilongo mbiyaka yomUuzilo wokokule shi kale eha lyoonkundathana dhuukumwe woongerki moshilando shiyaka shuupagani waputuka nelongeloitaalo lyahengen pombanda mokusimaneka ookalunga yalwe moote-



Oshikalunga  
Buddha

# Omakundo kaayakuli-ngerki

**Kaasita aakuluntu:** "Edhina lyoye onde li hololele aantu mboka we ya pandje yomuu-yuni. Oyo ya li yoye, nowe ya pendje oyo noya dhiginine oohapu dhoye. Ngashinneyi ye shi shi, ayihe mbyoka we yi pendje, oya za mungoye." Joh.17:6-8.

**Kaasita aagundjuka:** "Oshoka ongame i-nandi sa ohoni evangeli, oshoka oyo oo-nkondo dhaKalunga okuhupitha kehe tuu ngoka i itaala." Rom.1:16-17; 1Tim.12:4-16.

**Kaayevangeliste:** "Ihe ngoye kala omwii-dhiliki miinima ayihe, humbata uudhigu, longa oshilonga shomuyevangeli, gwanitha o-shilonga shoye." 2Tim.4:5.

**Kaadiakoni:** "Nando ndi popye omalaka gaantu nogaayengeli, ngaye ndaa na o-hole, andola ongame oshiyela oshikushu tashi lili nongongendjo tayi ngelengendja." 1Kor.13:1-8.

**Kaapangi:** "Petrus naJohannes ya yi motempeli pethimbo lyegalikano lyotundi o-nti-9. Pethimbo tuu ndyoka okwe etwa o-mulumentu a humbatwa, ye kwa li oshilema nkene a valwa." 1Cor.3:1-8.

**Kaailongi:** "Nangoye wo iidhidhimikila omahepeko ongomukwiita ofule gwaKristus. Kaku na omukwiita ti ipyakidhile nuupyakadhi wiipalutha, oshoka a hala okwoopalela omwene gwita." 2Tim.2:3-7.

**Kaakriste ayehe:** "Oshoka nge tatu yono owina nando twa tseye oshili, nena kaku na we omagandjelo goondjo dhetu." Hebr.10:26-31;3:5-6.

**Omumbisofi naatonateki yiltayinger-ki:** "Oshoka ongoka ayihe yi li po molwe naaihe ya za myue, Omwene nomushiti gwaayihe, oshe mu opalele mokufala oyan a oyendji muuyelele, a lenge Omwene gwehupitho lyawo nuuwehame a kale a pwa." Hebr.2:10-13.

**Kaatumwa Aasoomi:** "Ano ngoye sho wa dhiginine oohapu dhontalanten yandje, nangame wo nda hala ndi ku dhiginine, ndi ku hupithe mo methimbo lyemakelo ndyoka tali ya." Ehol.3:10-11.

Omukundi,  
Simon A. Uukule  
Olukonda

## Omumbisofi a galukile

mpeli dha tungilwa iingoli nuuyamba ulwe.

Kape na omalimbililo nkene okugongala ta ku nyanyudha Iwotango aakriste omiliyona 1 nomayovi 69 nomathele 576 yomoshigwana ashihe shoomiliyona 3500 tashi longeles oshikalunga Buddha nenge aathithi. Eeitaalo ndika olya dhikwa komulumentu Buddha (Siddharta Gautama), 563-483 manga Kristus inaa valwa, mulndia nolya taandele sigo Japan.

Aluhe mulyo otamu zi limpaga iipe, notamu tengenekwa ngashingeji mujapan kutya oyi li mo 1000, inayi kala mo shito. Oyi na iilyo oomiliyona 15.

Hasho ashike shika sha kwata uukriste mujapan pothingo. Japan lyoyene evi lyoshishipuluka muuyuni wetu. Evi eyamba lya mana etitatu kwaagehe ngele twa tumbulatango Amerika naRusland. Ombezo yoshitelle nge tayi kwata ngeyi ilongo yopakriste ngashi tashi dhimbululwa koombinga noombinga unene tuu, aakaaneitaalo lyoshili yomuuyuni wokuuzilo.

Shono tashi tu tsu omukumo mbaka tatu pulakene ney়ি, nenge mboka ye li hwiyyaka



Koombinga adhihe dhomOwambo, okwa hokololwa kutya okwa monika eteyo nuumvo nando kashi thike pamwe, omapya ogendji oga ya omeya, ihe ogendji wo oga nyanyukwa noonkondo komvula ohene noga gandja iipalutha ya gwana.

### AAYAKULI YETU

**Kalunga na pandulwe e tu pa oshali, Aayakuli inaatu ya indila**

Tu na kamana kandongo, ependa Auala, Ngu omupukululi gwakehe  
Nge wa hala oku mu mona, Oto mu tsu kuShipena.

**U mu pule Ihamaki, Yo Niilonga yaagundjuka.**

2.

**Ongundu sho ya ningi onene, Auala e yi topola lune**

**Opo u tseye oongundu ndhika ne, Yotango oya tate Neromba**  
Yo nooPenti Toivovanen, Haa yakula mu Mupini

**Ye Muremi e li muRupara, tate Matias muNkure-Nkuru.**

3.

**Manga ino za ko kOkavango, Inda manga kutate Sirongo**

**U tale sho te ya tsu omukumo moMpun-**  
ngu.

**Ngoye u ye nawa kongundu ontiyali,**  
**Ndjoka ya peva tate Nhinda**

**Pwa li omuyakuli Njoba, A hala e yi fale kEdundja.**

4.

**Shalongo pwa li Shinana, ngoka e yi na-**  
**nene mEngela**

**Po pwa adhikile wo Shifula, a li te yi fuli-**  
**le mOngwedita**

**Oontamanana sho dhaa le dhi holoke, Sha**

osho omutano gwomwaalu gwaakriste omu-mvo kehe mwiyaka. Embo lyeyalulo lyomu-mvo 1970, okwa monika ngeyi kutya oya tana niilyo 28,066. Ihe mbaka aashona noku-ya yeleka neindjipalo 1969 sho kwa monika aaitedhululi 75,863. Kristus ota holola naamwyaka olupe Iwoshilongo tashi kalelele.

"Nonando okangundu kaakriste oke li po okashona mokati koshigwana shi thike mpo-ka, nomaudhigu gako ogendji, omukriste, ke he ota longo noonkondo okuhumitha kome-ho oshilonga shawo shopangerki pamafaneko giilonga yongerki," osho Dr. Won Yong Ji, amushanga gwoshikandjo shika shelengelokumwe lyoongerki a hokolola oshilonga sho ngerki mpeyaka.

Ongerki onene yi vule adhihe mujapan, o oyo "Ongerki yaKristus ya hangana" yi na oongerki 1319, mudho mu na iilyo 205,051 niinaagoga 310. UukwaLuther moshilongo shoka owa falelwe mo kAyamerika 1892.. Oyo ongerki ya manguluka miinima ayihe,

longo pwa li Dengeinge  
Oye e ya dhenge, yo ya ngungumane.

5.

**Ila kontitatu yatare Shipanga, Nomuya-kuli gwe Mvula**

Ayehe yu uka muuzilo, omOnguta ngaa taa pula

**Kutate Timo Shipanga, A wape oku ya**  
**panga, taa iikwatha naAshipala**

**Omunene gwaNandjokwe, Sha thinda**  
**kuGweendama neolyaAngula mOluko-**  
**nda.**

6.

**Ongundu ontine oyi li mEkutu enene,**  
**Ya hondjelwa uulenga mEtilyasa, Yo ya**  
**pandika mOnambula**

**Hayi humbatwa kutate Haiping, Yi na**  
**Shindongo omugongeli**

**Yo naShigwedha omundjangeki, Tu wa-**  
**pe okuya mo mulyo**

7.

**Ohamu yi tango Dumeni, Ye a landulwe**  
**kutate Shikongo**

**Oyo haa ti muka omOnawa, Filemon a**  
**tye tu kaleni ano othika**

**Ongompundja ya nuka pamwe naHiskia,**  
**Uuthigona mOnaanda sheke.**

**Kaapanda mOtshandi e u panda mo, O-**  
**nangalo nayo ya mono olupolo.**

Leena P.Uupindi  
Onangalo

naambika wo yeliko notashi humitha nawa oshilonga shevangeli komeho.

Eipangelo lyoshilongo wo oye li mona, ngaashi ye li peva konima yiita iihigui naYamerika 1945. Otaa lelwaa komunisteli one-ne Eisaku Sato.

Omatumo omakwawo ga longa mujapan; olyDenmark nolyaNdowishiland. Osha fa wo ehango limwe muSoomi oly longo oshilonga shevangeli moka. Omo moka ano omumbisofi gwongerki yOwambokavango o-kwa kala pamwe noongerki, oockwawo dhopaLuther nokufula mo wo iinima ya guma ongerki yetu, ye a pulakene wo omaudhigu gawo, ope shi kale kutya "Oshilyo shimwe ngele tashi ehama nena iilyo iikwawo otayi ehama wo pamwe nasho."

Oshigongi osha li wo sha kaliwa komuwili-likli gwoshikandjo shelengelokumwe lyoonge rki nomatumo Dr. Carl-Johan Hellberg na amushanga gwongongahangano yaakwaLuther muuyuni Dr. Andre Appel, noya li ye eta iipopipa ya simana.

**EIPANGITHO LYOSHIWAMBO**  
Omumvö gwa yi mOnandjokwe omwe ya aavu 39 ya pangwa koonganga. 9 yaamboka oya mana oondjenda. Nuumvo wo omwe ya yamwe ya hulitha nale nokuli.

Aantu ohaa yi koonganga molwomatomppe lo gi ili nogi ili. Yamwe taa yi ko omolwo lwiidhi, ndoka ngele olwa pangwa pamukalo gu uka, ohalu aluka nuupu. Ihe ngele onganga tayi panga niigwanga, omuvu ota vulu okwaalukwa noonkondo.

Olwindji aavu ota etwa ya legwa, ya kukuta, oshoka iigwanga oye ya kungitha noonkondo. Olwindji omeho gawo oga shungapala, ehuli lya zinda notali ehama. Iiti yanathigo itayi longo, omasita itaga ende nomuvu a fa a peva uuzigo, a piyagana.

Omolwokupangwa koonganga omuvu ota adhika kuuvu wehuli nowiiti yanathigo. Nuu vu wotango owa fa wa holama. Itatu tseye onganga ohadhi pangitha iigwanga ya tya ngii ni, ihe shoka tatu tseye osho ashike shono iigwanga mbyoka tayi longo. Ano otayi yono ehuli niityanathigo. Osha fa nokuli iigwanga yimwe otayi yono po uuluwi, omuvu ta kungu ita mono ko nawa nota kakama.

Nge tatu tala aavu 39 ye ya moshipangelo naamboka 9 ya si, otatu mono kutya okupanga niigwanga otaku eta oshiponga shi vule uvu wo wene. Aantu ohaa dhilladhila kutya moshipangelo kamu na omiti dhokupanga ekambuko nenge oonkwengu noshitona. Edhi ladhilo ndika olya kulupa.

Ngashingezi otu na omiti dhokupanga iinima mbyoka. Omiti ndhika ngele tadhi longithwa pautho, odhi li nawa notadhi eta ekwatho. Olwindji omuvu e na okupangwa ethimbo ele. Nokuli omunashitona ota pangwa si go ta si.

Mokupangwa niigwanga, omuntu ota pangwa ethimbo efupi, oshoka iigwanga otayi eta eso. Mboka inaa mana oondjenda dhawo, ohaa pumbwa omakonakono ogendji ge vule gaamboka inaa pangwa koonganga.

Omasiku ngaka mOwambo omu na iipangelo oyindji aavu itaa pumbwa okukonga ekwatho koonganga oshoka itaa peva ekwatho ewanawa. Miipangelo omuvu ta futu ofuto onshona. Aantu itaa yi koonganga moluupagani andola, ihe omolwomadhiladhilli gawo ga Dr.T.Hallama



### Okwa ya unene diva

Onguloshi yeti-15 Juni 71, ongerki ya li tyada ndo ovakriste Ovawambo ve na ehafolinene mokulekela omutumwa wetu Pauli Laukkanen oo a ka fuda po manga kOsomi. Moxungi ei, omwa li edidiliko lohole inene yeongalo okuhola omutumwa ou mowilongayakulo e i longa mokati ketu. Mokukala mokati ketu, okwa kala eyambeko linene.

Okwe tu yakula nohole nelididimiko minima aishe yokomwenyo. E tu shasha, e tu koleka, e tu yakula mekufile nomomasakramendi mayapuki noku tu udifila evangeli lmwenyo.

Tate Laukkanen ina yakula ashike mOshiwakopo, nde a yakula yo Ovawambo vahapuve li mehalakano meeckomboni, meemina, moilando momalutenda naapeshe mOushimba. Okwa li yo e liyandja mwene ngexwiko moshilonga shaye.

Oshihauto shaye ohashi ende shiyadi ndo, ovaudifi; ooKamho, ooHaimbili, ooShuveni, ooNashongo, ooHoebab, ooStrydom nooMorets va yuka meendau nomomahaufu, meembuwa nomeendundu, tava i va ka hakane nokulikolela Omukulili ovaxupifwa novaholike veulu. Okwa li hava ende momaluhapo, momhepo, moutalala, nomoupyu. Vaefa po omaumbo avo omolwewangeli.

Omolwehafo la li moxungi ei, ongudu yowiimbo ya longekida oshixwa sheengala tashi holola nhumbi ye taka djalekwa omutumbo komutwe waye ngenge taka fika kOmwene waye meulu. Omutumbo ou, okwe u peva meke, voo naMukwanambwa (omukulukadi waye).

Mokati komatanga olwiimbo, omwa li etanga lipa lounona vofikola mewliko lomulongi Saara Shilimi. Kakwa li ou kwa li a halaloxungi ei i xule po nokakwa li ku na umwe a loloka nande.

"Kaume ketu Laukkanen, owa ya unene diva, otwa hangwa inatu ku pwa natango o-djuulufi. Kalunga nOmukulili wetu ne muendife nawa. Fye itatu mu dimbwa nande."

S.M.Haimbili.

### A alukila kOwambo

Ev. Filippus Mbangula oshilonga shaye okwe shi hovela mOhalushu 1964 omo a longa fiyo odula 1968. Modula 1969 okwa tumwa kOkahandja Mo-1971okwa alukila vali koshilongo nokwa nangekwa moshihakulilo shaNgela. Ehokololo laye twe li shiiva eshi ya mwene oshponga shomundilo meumblo lavo.

### A tembukila kOkahandja

Omudiakoni Simon Namunyekwa, ou a longa niale moshihakulilo shaNgela eedula omulongo, okwa tembukila vali kOkahandja a ka yakule ovamati vomehalakano. Okwa longa nombili mokati kovanaudu nokovanashilonga aveshe. Okwa ningila alushe ovayakuli vomoshihakulilo otundimbibeli netumbulo laye alushe pehovelotundi olo ngaha:

"Mu kale eshi tashi wapalele Omwene moilonga aishe, e mu hokwe shili nye eshi tamu imifa oiiamati mukeshe tuu oshilonga." Kol.1:10.

Tate Namunyekwa okwa dalwa 1927 mEngela. Okwa hovela ofikola youyevangeliste 1959, ta piti 1961. Okwa nangekwa moshihakulilo shaNgela fiyo a twikila vali ofikola youdiakoni 1968-69. Okwa shuna natango moilonga yaye moshihakulilo.

Omudiakoni Namunyekwa moshilonga sha yea kala mo efimbo lile, ota koneke une ne, a) ondilo yomunhu eshi ta pumbwa alushe ekwafo laKalunga. Omunhu e na o-djuulufi naKalunga. b) Eemhumbwe domunhu defiku keshe odo di na okuwanifwa komunhu mukwao. Ngenge ine shi ningilwa, ne na oudjuu otau holoka momwenyo waye, eliteekokalunga ile okuliteeka monghalafano navamwaina nokuli.

Eemwenyo detu ovamwaye otadi mu shikula nokOkahandja, Kalunga na yambeke oilonga yaye. Meme nounona vatano, ova fyaala manga mOwambo. Klaudia Haimbodi



Omuvambo oha ti omvula ihayi loko oshiinayi. Pethimbo lyomvula aantu manga yi imbwa komeya okulonga, oya kwata oohi ndhoka dhe endithwa shaa mpoka komeya gefundja. Nomomeya omale aantu oya li yi ilmonene oohi dhawo mokuningina noonete kohi yomeya. (Tala efano pombanda) Omafano oga kuthwa pOshakati mpoka pwa li dhingi miilonga yoohi.

# Epangelo IyaS.A. olya ndopa muuthemba womuntu

Ombilive ya za komapangelongerki gaali iya ELK na ELOK muS.W.A, ya nyolelwa komuministeli omukuluntu gwepangelo IyaS.A. B.J.Vorster, moka a yelithilwa nawa omadhiladhilo goongerki muSuidwes ngashi taga landula mpaka:

ONTUMWAFO YOMONTANEHO (TAYI LESHWA KUKEHE) KOMUSIMANEKWA,  
OMINISTELI YOTANGO YASUID-AFRIKA.

Omusimanekwa  
Oministeli yotango  
Omusamane B. J. Vorster  
Pretoria.

Omusimanekwa,

Konima yetseyitho lyetokolo lyompangu yuuyuni muDen Haag eti-21.6.71, aawiliki naanashilonga yi ili noyi ili yOongerki dhetu dhopaluther, oya adhika oogumwe noogumwe kaakalelipo yEpangelo, opo ya gandje omadhiladhilo gawo kombinga yEtokolo ndyoka. Shika otashi tu ulukile kutya omapangelo agehe oga hala okuva omadhiladhilo goongerki moshinima shika. Onkee otwa hala okulongitha ompito ndjika Omusimanekwa, tu ku tseyithile edhiladhilo lyOmapangelongerki goongerki: Ongerki Onkwaevangeli paLuther yomSWA. nOngerki Onkwaevangeli paLuther yomOwambokavango, ndhoka dhi lile po aantu oyendji yomoshigwana shaSWA.

Otwi itala kutya Suid-Afrika moonkambadhala dhe dhokuhumitha SWA komeho andopa okugwanithila oshigwana shAaludhe uuthemba wopantu, ngashi sha uthwa kuV.V.O. 1948. Moshinima shino natu taleni iiholelwaa tayi landula:

(1) Epangelo otali dhiladhila omukalo gwelelo lyomaludhi giigwana, ngoka tagu longithwa mevi lyetu otagu humithakomeho notagu gamene onkalomwenyo nemanguluko lyoshigwana. Ihe paushili wowene liiwana yAaludhe otayi dhinwa notayi mbandamekwa aluhe mokukalamwenyo kwesiku kehe. Aantu yetu inaa manguluka, nopamukalo ngoka haa tekulwa, kaa uvite ombili negameno. Mekwatathano naashika otatu ulike koshitokolitho oshiti-3 shomUuthemba womuntu.

(2) Katu na shilwe tatu shi vulu shaa shi okutala Suidwes-Afrika nomaludhi goshigwana she agehe ongevi limwe. Paveta dhopakakombonoludhi, aantu oya yugwa uuthemba wokwendathana memanguluko nomitumba dhawo omikulu meni lyevi lyawo. Shika itashi tsu kume noshitokolitho oshiti-13 shomUuthemba womuntu.

(3) Aantu yetu inaa manguluka okuholola puuyaelele omaiuvo nomadhiladhilo gawo mokupoya nenge mokunyola. Oyendji ohaa tsakanke omandaadho gomagwagwaleko nomabandameko ngoka ge na elalakano lyoku ya thiminikila ya popye puuyaelele omadhiladhilo ngoka ga halika kEpangelo, nohoo ngoka ge ya yeleta, ye gu uvite shili momitima dha wo. Pamukalo gwa tya negei pashitokolitho 18 no 19 shUuthemba womuntu, otashi gwanithwa ngiini?

(4) Omukalo gwepangelo otagu imbi oongundu dhoopolitika dhAaluudhe dhi adhe elongelokumwe lyoshili paDemokrati moshipwiyu shawo shokutunga onakuyiwa yaSuidwes alihe. Mekwatathano ndika otwi itala notu wete osha simana kutya, oshigwana shaAluudhe nashi mone wo uuthemba WOKUKALA NEWI (iitokolitho 20 na' 21 yomUuthemba womuntu).

(5) Omukalo gwtropoloy liiilonga ngoka tagu longithwa otagu thiminike uuthemba wehogololo liiilonga memanguluko notagu etitha okwaah na liilonga nuundjambi uushona. Kape na omalimbiliko kutya omukalo gwokondhalate otagu yonagula onkalomwenyo yoshili yoondjokana, oshoka eindiko lyokukala naanegumbo lyoye mpo ho longo, otagu hinda okukalamwenyo kwomagumbo. Shika otashi kondjitha osshitokolitho oshiti-23 noshiti-25 mUuthemba womuntu.

Ehalo lyomapangelongerki, lyopaulumo, oyo ndika kutya: Epangelo lyoye li konge omukalo gwombili gwokukandulapo omaudhigu gomevi lyetu pamatokolo gOmpangu yuuyuni nomelengelokumwe naV.V.O. moka Suid-Afrika e li wo oshilyo, lyo li se oshimpwiyu kutya uuthemba auhe womuntu u gandjwe shili na Suidwes-Afrika li ka ninge oshilongo sha manguluka shili sho shi li kusho shene.

Nesimaneko,

Omumbisofi Dr. L. Auala  
Omunashipundi gwepangelongerki  
lyOngerki Onkwaevangeli paLuther  
yomOwambokavango.

moVenduka eti-30 Iyajuni 1971.

Paulus Gowaseb  
Omunashipundi gwepangelongerki  
lyOngerki Onkwaevangeli paLuther  
muSWA, Etumo IyaRynse

## A fimanekela oshilonga shaye

Dr. Fredrik A.Schiott, ou a dile moupresidente wongongahangano yovakwaLuther oudwaali, okwa efa yo oukwashilyo waye mongudu yokomitie yokupitifa eenhokolwa. Eindilo laye lokweefa oilonga ola tambulwa kokomitie ei nove mu fimanekela oshilonga shaye e shi longa mongonga ei oule weedula 19.

Omufimanekwa Schiott, okwa li oshilyo shimwe mwaavo va konakona ekotamhangao Iongongahangano yovakwaLuther, 1947 okwa kala yo moyoongalele yongonga ei aishe itano. Oupreside wongongahangano okwe u pelwe 1963, muSoomi omo a longa fiyo oudwaali.

Okwa li hamushanga wongudu imwe mehangano lovakwaLuther, tali ifanwa Okomisi yokufila oshisho eengerki domatungo. Mo-1949 okwa ninga omunashipundi wotete wosoongalele shomatungo omounyuni, omo a kala fiyo 1957. Okwa li yo omunashipundi wokomitie yoshilonga sheudifo 1960-1964. Okwa wanifa eedula 70.

### Omapulo eenhamanana

Ovanyasha vahapu mOwambokavango nomehalakano, ova hovela yo okupilukila ongerki yavo, okwiitamaneka momapulo avo. Vamwe otava pula va hala okuuda nokushiiva na wa ondjila yongerki yavo, nokulandula omufita wavo meemadi daye. Joh. 10:4.

Nde vamwe omapulo avo okuyadi onyango tai lulike omaongalo, osheshi nande nava fatululilwe nawa, itava itavele osho va lombwelwa. Otava vihi ashike ovanyamukuli notave shi ningi va xwama, shaashi ove udite tava tangwa nawa kuvakwao kutya:

“Otu hole omumenhu wanima, ou iha tila okupula oinima inene.” Onye ava mu li mokukala kwatya ngaha, nande mwa pululwa momapuko eni, inamu hala okuuda ko nokwiitavela, dimbulukweni, omapulo eni o fiyo onena, okwa tuvikilwa komufita omukulunhu, mwene wongerki Jesus Kristus, note ke ku nyamukula nawa efiku te ku ifana mounyuni omu.

Oto ka pula tuu noulaadi wa xwama ngashi paife? Ombibeli tai ti: “Tala, ohandi uya paife, nondjabo yange ondi i na okupa keshe tuu eshi a longela.” Ehol. 22:12.

Abraham Haileka

### Ino za po manga inoo lalekwa nuuyamba

Atuhe ohatu yi komambo, koshipala shaKalunga nuukwatyaa wetu, opo tu paluthwe kuye moohapu dhe. Otatu hempululile Omwa omaudhigu getu e tatu lalekwa andola nuuyamba kuye, etatu shuna tu na ombili.

Ihe momagongalo ogendji shaa tuu omuntu u umbu ongalo, opuwo. Yamwe ya kala owala pondje taa popi nayamwe taa tameke nokuli okukudhila. Elaleko nuuya mba hali ningwa pehulilo, omuntu kee na konasha nalyo.

Tala omumwaameme, oho thigi po oshinima oshinene nowe shi pumbwa tuu shili. lifupipikeni koshipala shaKalunga mu lalekwe nuuyamba kuye. Ino za po ano puye manga inaaku tiwa, indeni nombili.

Dhimbulukwa, omutondi oku li mondjila yoye note ku tsakanke e na iikondjitho yi vule yoye, ihe Kalunga koye oye omunene nomunankondo. Ino za po puye, siga ta ti: “Inda nombili.” Tala komwiitaali omukwetu Jakob. 1Mos. 32:37. David Alugodhi

# Ohofa younyuni ya tokola nee

S.A. ne likufe mo muSuidwes, ohofa ya ti

Okukala kwaS.A. muSuidwes, okuli pondje yoveta younyuni, nde ota indilwa a wanife eufo eli kutya, epangelo laye e li kufe mo divadiva, ye a xulife po okukala waye apa, osho sha li etokolo lohofa younyuni olo la pamekwa keendaka 13 da kondjifwa kuvali aveke muDen Haag.



R. F. Botha, kolulyo, hahende waS.A. komhangu tava kundafana nomutumwa Olle Eriksson mOwambo.

## Twa pandula

Eshi twa alukila kOwambo, otwa hanga ovanhu va mana okulima. MEngela otwa fika mo pexulilo laMaalitsa. Eshi twa ninga cfiku kombada yomunghenye, pondje yOwambo, meumbo letu eli lipe, pefimbo tuu eli, ohatu pumbwa omushi, oshini, oilya nosho tuu.

Ovawamememe ava eshi va koneka oluhepo letu meumbo letu lipe, ova ninga ngaha. Ove tu tumina oilya.

**Engela** Filemon Shinghwete, Lukas Hamunye la, Reinhold Mikka, Martin Amaambo, Ismael Nhinda, Natanael Shinana, Josefina Mufeti, Elia Haulyondjaba, Petrina Haukena, Aina Hangula, Gabriel Ndadi, Rakel Jona, Sakaria Haiduwa, Benjamin Hatwiikulipi, Rauha Haiduwa

## Kalii po nawa!



## Epukululo

Omukwetu ota indile ombili kaale-shi ayehe ye nokupukulula moshi-fo NO.10, epandja etiyali mOshipalanyolo "Shoka sha ningwa 1967-69, mpoka pwa tumbulwa," Omuwambo omutango Abisai Shejavali a mono. Epuko olyo ndika kutya

Naemi Shiningwa, Mikka Shilongo, Immanuel Nghiulifwa, Mikka Hiyoonyane, Edwig Polopolo, Paulus Mumholo, Filippus Nghifitikeko, Johanna Hangula Josefina Kaimba nalmmanuel Hamhata.

**Okatope** Abraham Nghinhafa, Daniel Efraim, Mateus Hauuanga, Taukondjele Haufiku, Helvi Kapiya, Maarta Jona, Selma Naukushu, Magdalena Hauyave na Albertin Ngunduka,

**Kongo** Josua Hanyango, na Teofilus Mbwalu,

**Onengwa** Adolf Hangula na Gebhard Nghiulifwa,

**Oniipa** Warner Amwaalwa,  
**Omundaungilo** Meme Kanhalelo.

Ovawamememe, omwa ninga nawa. Ohatu mu pe shike? Katu na eshi hatu mu pe. Omuwambo wonale okwa tile; Ino punduka onduala. Fye otwa nyengwa okufuta Kalunga, Kalunga oye mwene ne mu fute, e mu pesha.

Paife mwe tu fikifa ko keteyo, iyaloo! Omwene ne mu nangeke noupuna ye e mu amene medina loukwatatu. Eshi oshili.

Malakia Hauuanga

**H. Nakale, Tsumeb**, ota nyola ngaha: O-fye Ovawambo tu li muTsumeb, ohatu mu kundu tate Malakia Hauuanga natate Johannes Hischoono pamwe nomauumbo eni. Omu li ko nga nawa oko mwa nangekwa, kEngela nokOshakati?

Inatu hala okudimbwa tate Hauuanga, osheshi okwa kala noku tu talela po alushe. Ohatu mu djuulukwa natango molwendivo dOmwene nomahokololo Omwene. Omwene na kale nanye amushe. Eimbilo 435.

inashi ningwa momumvo 1967, ihe eti-17.12. 1966 moUniversiteiti tuu ndjoka yaSoomi.

Emhangu daS.A. odo da hovelele mohofa younyuni pehovelodul ei, oda fika paife metokolo eli kutya, epangelo laSuid-Afrika muSuidwes, otali longo pondje ashike yoveta younyuni. Eehahende 15, domuEuropa, Afrika, Aasia, naAmerika, oda kala moi-hokolola ei nokukonga etokolo nelitulomo. Frankryk aeke naEngland inava twa kumwe navakwao.

Etokolo moshinima eshi ola indilwa kOngudu yeameno loiwana muV.V.O. ohofa i yandje omadiladilo ayo, eshi S.A. a kala aanyena muSuidwes, konima yomatokolo a ni-nigilwe kuV.V.O. mohofa younyuni 1966.

Omadiladilo mativali a yandjwa kohofa oo ngaha kutya, oshiliyo keshe shi li mehangano laV.V.O., shi pameke etokolo olo, nde, shi shi ninga noilonga i Iwetike. Omadiladillo aa mohofa okwa pamekwa keendaka 13 da kondjifwa kuvali aveke.

## S.A. ina itavelwa

Fimbo eemhangu inadi hovela mujanuali mohofa, S.A. okwa hangika a tuma ko nale omaindilo aye, oo e li osshitukulwa shaye shime-we okulipopila meemhangu odo. Okwa li a indila eehahende nhatu di kufwe mo meshikulafano, osheshi oda kala shito pashii vo laye mepwilikino loshibofa eshi fimbo di lile po oilongo yado moV.V.O. Okwa li a tamaneka yo eindilo lOngundu yepopilo loi-wana kohofa kutya kala li li na eenghono,, osheshi vavali vomongudu oyo, ova li pondje yetokolo. S.A. okwa li yo a tamaneka ohofa kutya kai na oufemba wokutambula oshibofa eshi, osheshi pamadiladilo aye mohofa osha twalwa mo ashike ongeenhamana-pokati koilyo yaV.V.O. vali osha li sha-ekelwashi.

Hahende Sir Zafrulla Khan waPakistan, o-presidente yohoza, fimbo ina yandja etokolo lohofa, okwa ti kutya, ohofa oya konakona omatamaneko aeshe aS.A. nde inai monasha nande mushimwe tashi keelele eehahende di pwilikine oshinima nokukonga omatokolo.

## S.W.A. omadata

Tete omupresidende wohofa okwa yandja eshiivo lelongifwo ledu eli laS.W.A. la eta eenhamanana. Okwa ti kutya, oiwana inya ya kala po shito ya hangana tai ifanwa oVolkebond, oyo tete ya anya S.A. a tule kummwe S.W.A. naRepublika, nde li kale omendaata tashi ti kutya, otali pashukilwa kehangano olo loiwana, (Volkebond).

Elalakano etivali la kala moveta yalo, olukutekula oiwana yovadalelwamo, kutya omendaata ei i longifwe ashike osho tashi etele ovadalelwamo ouwa, naasho tashi vaa ehenifa komesho. Va pewe omakwafo ngashi tave a pumbwa, fiyo va fikama keemhadi davo vene.

## Ongwediva tai ka yeululwa

Ope na omadiladilo paife kutya ofikola ya-Ngwediva yokombada oyo ya tungwa konyalu oule weedula nhe, otai ka yeululwa diva muAuguste. Ofikola ei oya tungika nawa, i na eenhele da wana nawa, noya diladilwa okuhumbata ovahongwa ve dule 600 efimbo limwe. M.C.Botha, minister yoinima yovalaule neehenokomesho lavo wa-S.A. oye kwa diladilwa ta ka yeulula ofikola ei.

## Ovenduka

Oshiland shepangelo laSuidwes-Afrika, Windhoek, otaku tengenekwa kutya oshi na paife ovanhu 54,000 Iwaapo. Eshi otashi ti kutya etata lomuvalou ou, 27,000, ovalaule mumwe novanh ovo va ya koirolong hava longo mOvenduka. Elalakano lovatelyaane alushe okumona omuvalu wavo tau londo pwaau wovalaule, omolwaashi ovalaule tava fininikwa va shune komaduumbo avo.

## Ohofa ya tokola nee

### Omalunduluko efimbo

Momakonakono ohofa, inaku talwa ashike omaufo kutya otaa ti ngahelipi, nde kwa talwa yo oimbii ei hai holoka momalunduluko efimbo. Okwa talwa yo osho sha lunduluka moulle weedula 50 da ka pita.

Omolwaaishe ei, ohofa itai pameke pamwe naS.A. kutya omandaata oya xula po pamwe nehangano linya lotete loiwana, (Volkebond). Sho osho yo ohofa itai diladila kutya, oshoongalele shaV.V.O. inashi shikula ehangano laVolkebond. Osho naanaa oshiponhele noshi na eenghono dokupangela oinima (yomadu a kala mepushukilo laVolkebond. V.V.O oya hovela 1945.

Konima 1946, S.A. ina kala e na eenghono moshinima eshi, shokupangela Suidwes, oshe ende tashi koko kutya okwa hala e shi ninge momhepo yomandaata. Mo-1949 omo S.A a holola kutya ye ina tala vali V.V.O. kutya omuyandjimayele waye mokupangela Suidwes, ye ita ka tuma vali kuye ehokololo loirola yaye omu muSuidwes.

Hano ohofa oya mona kutya S.A. ita du lu okwiukufila eenghono dokunangala oshilongo noku shi pangela ngenge ina hala okukala nokuwanifa omaufo omandaata, eshi osho sha kala etokolo lohofa 1950:

### Omaufo a dja eenghono

Hahende Zafrulla okwa pameka alushe kutya, omandaata eufafano naanaa lounyuni. Oshoongalele shaV.V.O. oshe shi tambula kutya omandaata opo i li nosha pamekwa neshaino kOngunu yepopilo loiwana kutya S.A. ina wanifa osho sha pulwa kounyuni. Okwa weda ko kutya, mokupwilikina eehatoyi adishe oda fika naanaa momadiladilo aa kutya epangelo lokatongotongo olo la shakeniwa muSuidwes, ola mana po eenghono domalalakano omaufo efinamhang la-V.V.O.

Oshi shi okwiitavelwa hano komunhu ngashi ohofa younyuni ye shi tya kutya, oilongo imwe i lili, ei kai fi oilyo muV.V.O. nayo oya pewe naanaa oshinakuwanifwa shavo eshi va pameke pamatokolo aa nova kwafe monghatu keshe tai ningwa kuV.V.O. omolwokukoleka etokolo eli.


(PaSuidwester, 22.6.1971)

### Eenghundafana da kala

Oshoongalele osho sha li shi na okuningwa muSuid-Afrika muJuni koilyo yehangano leengeri dounyuni aushe, (WCC) osha kala. Omushamane Eugene Carson Blake, hamushanga munene wehangano olo, muGeneva, okwa ti kutya, oshoongalele osho itashi dulika vali, osheshi omushamane Vorster, minister yaS.A. oya ninga omaufo taa imbi eenghundafana. Ye okwa ti kutya omaufo oo ite a lunduluka.

Omhumbe yoshoongalele eshi oya holokele eshi eengerki edi da hangana, da yandja oimaliwa kovakondjelimanguluko vomuAfrika. Suid-Afrika okwa handukila omukalo ou. Eengerki di li oinhimu mehangano eli muS.A. okwa li da londwelwa di likufe mo mulo diva. Ile epangelo itali ka efa vali oimaliwa tai piti moshilongo tai i kehangano eli. Inaku shiivika onaini oshoongalele eshi tashi ka ningwa vali.

Ongudu yovashangi voifo vokombada yomafuta eshi kwa li ya talela po Owambo, oya fikile fiyo pOnipa okutalela po etumc nongerki. Omukulunhutumwa omuponhele meme Anna-Liisa Sorsa pokati, oye kwa li e va kunda medina letumo ponhele yaRev. Mikko Ihmaki oo a hangika muSoomi pefimbo olo. Oshilyo shepangelo laS.A. P. Botha otashi monika 'nokuli tashi lekele hamushanga womukulu-nhutumwa meme Helka Honkanen. Pedu omushamane F. Botha omukalelipo waS.A. kuAmerika.



### Pwilikineni natango

Ovamati vanekandangala lombandje, ovakwetu vange, nefimaneko handi mu pukulula vali paxupi kutya; shimha tuu wa diladila okuuya koilonga, inda tete koshinyangaonga-lo shambu leni, u pule omukanda weongalo. Ino u fiya po vali mumati wange, opo u ye u mone omayakulo pefimbo lawapala.

Oshinima eshi, osha tumbulilwe ngaho mOmukwetu omafimbo a pita, ndelenee natango inashi konekwa. Ndishi omu shi shii kutya kape na ou ta londo momashina manga ehe na otekete. Ile oho dulu nga okuuya kOushimba, fimbo u he na opaasha? Hano ohandi mu indile nelineekelo mu tale oshinima eshi. Kwatafaneni novafita veni omanyeme otaa ka kala manini.

Immanuel Kamho



### Ohani tai ka longifwa meudafano

Efaneko lokulongifa ohani ola pewe paife ha mushanga munene woiwana yangana ku-Rusland, opo eengaba dokulongifa ohani di konakonwe do di itavelwe yo kounyuni ause. Efaneko eli ola kwatelela mo oitwa ei kutya:

Ohani iha kale onhele yokulongifwa ouko lokoshi noutondwe.

● Iha kale onhopa yokulongifwa kwaava va hala okuhanauna po edu.

● Aveshe ovo tava ka shaina nokupameka omaufo aa, ve shi ninge nelalakano lokukonga embili younyuni.

● Kohani kuha tungwe nande eekamba doita, ko kuha kale nande onhele imwe tai longifwa okulola (toets) eenghono doi-lwifo, ile ku kale onhele yokulideulila oukwaita, ahowe.

● Aveshe tava ka ya ko okukonakona eshit to laakwinya, vaha hetekle nande okunyonauna ko sha momidingonoko adishe dohanani.

● Ovakoleki vefaneko eli otava ka indilwa aveshe va fye shili oshisho, opo eemwenyo noukolele wovanhu tava ka ya ko, u dii ninwe nawa.

● Inapa kala edu limwe ngeno tali katula onhele yonhumba kohani momaufo alo alike, osheeshi onhele aishe kohani itai pitikwa i kale eliko lomunhu. Oiwana aishe oia epitikilo okulonga kwinya meudafano oillonga yavo, nde itai piyaanekwa kuumwe elili.

● Oilonga tai koleke eufafano eli, nai yandje ekwafo kovakwashiana keshe shimwe shi lili; ngenge tave li pumbwa kohani, nova ha-la okwaamenwa moshiponga tashi holoka po.

### WASHINGTON

Richard Nixon, opresidende yaAmerika, oya popya kutya Amerika ota ka yeulula ondjila yoipindi pokati kavo naKiina. Ihapu yomoi-pindi ei, oya popiwa komadina ngashi oihauuto, omakenya, omakaya noilongifo ihapu yomeefabulika noilya yo. Ondjila yokupindika pokati koilongo'e'i ivali, oya kala ya pata oule weedula 21.

## Ovatumwa kuBotswana va talela po Owambo

Ovatumwa vavalu vongerki yovalaule mOushimba, ovo ve na oku ka longa oshilongatumo mokati kOvaherero medu lOvashavanaugh (Botswana) ove yile manga kOwambo va talela po epya letumo kuKongo.

Omufitaongalo Annanias !Gao!gàseb, Omudamara nameme Salinde Xoagus, Omunama, va talela po mefimbo lixupi oshilongatumo shomOwambo, nde va shuna nehafo linene. Ovatumwa ava, nande aveshe otava popi elaka lOshitakumi, ovo vamwe vavane tava ka longa oshilongatumo mokati kOvaherero kuBotswana, la shiivika shito medina Betswanaland, koushilombuwantu waSuidwes.

Vakwao vavalu, oJosua Musutwa, Omuherero ou a enda efimbo limwe naDe Koning mOwambo, nokwa hovela nale oshilonga kwinya, naGabriel David, Omuwambo womOushimba ou e lihonga nawa Oshiherero. Aveshe ova yapulilwa oufitaongalo 1970 omolwoshilonga osho ve na oku ke shi hovela diva pondje yedu lavo.

Omumwamemengerki winya mOushimba (ELK.) okwa kala nomalongekido manene okukonga epya letumo nokwa kundafana luhanu novapangeli vedu linya laBotswana, nde Kalunga a longa yo nomeemwenyo dovapangeli venya nove shi tambula momhepo

**Ohandi mu pandula**  
Ovafimanekwa ovaholike muKristus Jesus, okOnandjokwe nOmundaungilo nokomao-  
ngalo aeshe a yakula nge momailikano no-  
mokukuila kwedina lOmwene wetu Je-  
sus Kristus, nai kale nanye.

Ohandi hambelele Kalunga kange omo-  
lwefilonghenda e li pa nge modula 1963, e-  
shi nda kala meteelelo lounona vatatu. Eti-  
4.9.1963, omo nde va mona ovamatii aveshe  
mCnandjokwe. Omadina ayo Sadrak Meshak  
naAbed-Nego.

Ovatumwa ovaholike, ohandi hambelele  
Tate Kalunga omolweyakulo leni. Ovahaku-  
li novayakulipangi, onda pandula omolwe-  
yakulo leni. Osho yo ovashiinda mOnandjok-  
we, ohandi hambelele omolweni, noitandi  
dimbwa nande eyakulo eli. Ounona aveshe  
ove li nawa, otava kulu nawa. Omwene na  
tangwe nokuhambelewa kufye, tu mu pe  
efimano.

Hilaria Ndaajo  
Omundaungilo



Omusalane Abner Kano, Tsumeb, okwa liko-  
la omakopi ogendji gesindano mokudhana eta-  
nga lyokoopadhi. Oku na ehalo enene e ye  
kOwambo ye a tsakanene naadhani yaamuka,  
noku na etegameno lya kola kutya ote ke e-  
telela ko ishewe ekopi linwe. Ano oye enya-  
kwa kaali shi lyohanuwa.

iwa. Meme Salinde, oo aeke omukainhu mo-  
kati kovatumwa ovo, okwa xwama shili  
moshilongatumo. Oluhapu a indila e uye a  
longe mokati kOvayelele mOwambo, nde  
epangelo inali shi itavela.

Paife Kalunga okwe mu yeululila oshivelo  
kwinya. Paife omahambelelo momakanya ou-  
nona wOvayelete tava tange Kalunga, otaa  
udika nawa eshi va longwa kumeme Salinde  
oivike 6 ei a kala ko. Shiimba koshilonga  
shavo otava ka fikama odula tai uya omo-  
lwomalongekido mahapu e li po natango.  
Ilikanena oshilongatumo shinya.

Botswana, edu pouhiinda waSuidwes la ma-  
nguluka tali pangela komupreside walo,  
Sir Seretse Khama.

### A mana oondjenda

Omumati Olavi Nehemia Emvula e  
tu thigi po ombadhilila mOmbaye.  
Okwa li omuhingi gwoombautu, a  
kala mo oomvula 15. Aahona ye  
nookuumre ke ayehe oya hokolola  
kutya ependa olya si. Oomvula dhe  
odha li 36 adhike.

“Tu longa shili okuyalula oma-  
siku getu, opo tu mone omwenyo  
gu na oondunge.

Laina Emvula Onaanda



Nakusa Olavi, Nehemia

### OMUKWETU

Oshifo shOngkerki onkwaevangeli paLuther  
yomOwambokavango

Die Nuusblad van die Evangeliese Lutherse  
Owambokavangokerk

Oha zi mOnipa,  
Omukuluntu gwoshifo/Hoofredakteur Omu-  
bisofi Dr. Leonard Auala,  
Amushanga/redakteur Sebulon Ekandjo  
Ondando komumvo mOwambo 70c kUshimba  
noKavango 90c

Kombanda yomafuta R1.30.

Ondando nomambestelo naga tumwe  
kOmukwetu,

Onipa, P/B. 2015, Ondangwa, S. W. A.

Oshinyolwa shuale

wondeimi	1	otashi futilwa	R1.00
----------	---	----------------	-------

condeimi	2	"	R1.90
----------	---	---	-------

condeimi	3	"	R2.70
----------	---	---	-------

condeimi	4	"	R3.40
----------	---	---	-------

condeimi	5	"	R5.00
----------	---	---	-------

Oto vulu okutuma efano lyaashoka wa hala  
shi tseyithwe nomatumbulo wo gasha ngele  
ope na.

The Finnish Mission Press Onipa  
P/B 2015, Ondangwa, S. W. A.



Meme Salinde Xoagus

### Etalelopo muS.Afrika

Omalongekidho oge li po ngashingezi kO-  
ngongahangano yaakwaLuther, okutuma aa-  
yenda ye ye okutalela po ongerki oonkwa-  
vangeli paLuther muS.A.. Shika osha zi  
mongundu yompitithiveta yongongahangano  
ndjoka.

Ompumbwe oya fa ya pendulwa unene  
ketalelopo lyaAmushanga omunene gwongo-  
ngahangano yaakwaLuther, Dr. André Appel  
sho a talela po S.A., numvo petameko  
lyomumvo. Okwa hokolola kongundu yoku-  
pititha ooveta kutya iilyo yaakwaLuther yi-  
li mwiyaka, otayi nyanyukilwa etalelopo  
lya tya ngaaka.

Okwa hokolola wo oshigongi shoonkunda-  
thana dhuuthemba womuntu shoka tashi ka  
ningwa koongerki oonkwaLuther muS.A.,  
ngiika muKotoba nuumvo ishewe pahogololo  
lyoshigongi osshititano shongongahangano  
yaakwaLuther, kutya mongerki onkwaLu-  
ther, iilyo yongerki paludhi kehe, nai kale  
ya zimina notayi taamba olutu nombinzi  
yOmuwa pamwe. Na ishewe congerki oon-  
kwaLuther dhi kale tadhi kondjitha ilonga  
nomadhiladilo gokuyoolola omaludhi gaa-  
ntu.

Osho shika tashi fe tashi landulwa kaatu-  
mwa yongongahangano oku shi kundathanu-  
nuna, unene moongerki moka shi li unene  
pamukalo gwonkwatayi.

### Toolifa nge kwee!

**Oshipakete shimwe sha hondje-  
lwa moshako, sha nyolwa oma-  
dina aa kombada: Gabriel Hai-  
duua naAugustus Mhelele, osha  
kanena mekambaba mondjila  
okudja mOshomeva wa yuka  
kOwambo, eti-15.6.1971. Ou we  
shi toola, alikana tuma elaka  
kuAndreas Mhelele, odjukifi  
Posbus 172, Room 177, Tsumeb.**